



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Causarum Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. EEE. Ser. Reg. Daniae Abligati Ovveni Julii Memoriale, oblatum S. R. M.
Sveciae Gothenburgi die 23. April. 1658.

urn:nbn:de:hbz:466:1-10534

Ser. Reg. Daniæ Ablegati Ovveni Julii Memoriale,
 oblatum S. R. M. Sveciæ Gothenburgi
 die 23. April. 1658.

S Acra Reg. Majest. Daniæ, Rex & Dominus meus clementissimus, à Reg. Majest. Vestr. ut vicinum, amicum, atque fratrem decet requirit, velit S. R. M. pro amicitia ista bona, sincera atque candida, quæ S. S. M. M. nunc invicem intercedit, per diplomata seu patentes regias literas ad quamvis Provinciam in specie, & eidem subjacentes Insulas directas; vel si hoc minus placeat, per Generale aliquod mandatum, cujus exempla fidem publicam merentia à Cancellaria Regia expediri poterunt, subditis in auxilium & solatium: ut & per regia mandata Officialibus in quibusvis Provinciis nunc commorantibus severissimè interdiceret, ne pecuniæ pro redimendis ædium incendiis, vel aliæ Contributiones, quocunque demum titulo insigniri queant, post Pacificationem Tostrupiensem die 18 Febr. conclusam imperentur & exigantur, nisi quæ ante prædictum tempus jam dum fuerunt promissæ, & ita quidem ut per speciales obligationes certi termini solutionis constituti sint: multò minus per militarem executionem extorqueantur: Sed ut omnia quæ ante illud tempus per specialem quandam dominationem, ut jam dictum est, (ubi tamen sufficientia testimonia sub sigillo manuque regia produci opus est) aliis data & donata non fuere, aut aliàs salva adhuc sunt & asservata, legitimo possessori inviolata maneant, cujuscunque etiam generis fuerint: Et proinde nemo cujus demum conditionis sit, hac ratione impingere debeat in articulos 11. & 17. Instrumenti Pacis, sed ejusmodi criminis reus legitimo Proprietario hujus sui facinoris rationem reddere, ipsique debitam & sufficientem satisfactionem præstare, & res ablatas restituere teneatur. Insuper ut totus exercitus juxta articulum 17. dictæ Transactionis contentus sit necessaria sui sustentatione, secundum ordinationem à Danicis & Suedicis Commissariis in eum finem vel jamdum factam, vel faciendam, & nihil amplius, vel ad comæatus copiam in quibusdam locis congerendam, vel ad sustentationem classis exigatur. Et si forsitan, præter omnem spem, exercitus ultra imminentem 2. diem Maji in S. R. M. Daniæ Ditionibus commoraturus esset, quilibet præsentis pecunia victum sibi redimat, & ut nullus præterquam uno in loco & in una provincia necessaria sibi alimenta postulet & exigat; nec licitum sit quibusdam Legionibus & turmis, sive Officialibus cujuscunque demum conditionis

ditionis existant, qui procul absunt, aliisque in locis sustentantur, hospitalitates assignare & concedere. Ut denique sub discessum disciplina & bonus ordo observetur, nec subditis ullavis inferatur, vel eorum bona diripiantur, quin potius integrum sit militibus Danis simul adesse, qui hujus generis enormitates avertere ac impedire queant. S. R. M. Daniæ Dominus meus clementissimus certò confidit, V. R. M. ipsi in his gratificationem, quandoquidem illud conclusæ nuper paci, & in itæ sinceræ amicitiae omninò consentaneum est, ne S. M. subditi penitus pereant & desolentur; sed ut etiam novæ pacis fructibus gaudere, & vires quasdam retinere queant, S. R. M. Dominus meus clementissimus grata in posterum agnoscat mente singularem hanc affectionem & vicinalem benevolentiam, quam V. R. M. in hoc genere exhibitura est: & ut V. R. M. optatum responsum ac expeditionem quàm primum exspecto, (præsertim cum tempus medicinam subditis adhibendam flagitans è manibus elaboratur) ita Eandem, &c.

Ovve Jucl.

Lit. FFF.

Literæ Dn. Legatorum ad Præsidentem Cameræ bellicæ
Flemingium, in quibus genuinus sensus articuli 17.
Pactorum Roschilidesium repetitur.

Illustris Domine Baro ac Præses,

Quandoquidem singulis fermè diebus querelæ & gravamina ad aures nostras perferuntur, scilicet quod incolæ hujus Regni iniquis oneribus graventur, dum post sancitam pacem non solum diversæ Contributiones de novo imperantur, sed & gravissimis executionibus premuntur & torquentur: quod ipsum, siquidem ita se haberet, intentioni S. R. M. Regis ac Domini nostri clementissimi, & pactis nuper initis omninò repugnat ac contrariatur. Quapropter non potuimus intermittere quin Domino Cameræ bellicæ Præsidi, quippe cui harum rerum cura & directio commissa est, ejusmodi querelas notificemus, amicè requirerentes, velit sedulam dare operam, ne hujus generis extorsiones factæ paci omninò contrariantes exerceantur, sed omni severitate adhibitâ eò incumbere, ut præter Contributiones ante sancitam pacem Regionibus vel imperatas, vel quæ ab altissimè memorata S. R. M. imperari jussæ erant, siue veniant sub nomine pecuniarum pro servatis ab incendio domiciliis, Contributionum menstrualium ad congerendam comnea-